



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Für ein Blatter/ Carbunculus genandt.

urn:nbn:de:hbz:466:1-43769

Das Erste Buch.

lyx

Wilder Klee samen ist der aller best samen den man finden mag/ zu den Fisteln/ zu dem Krebs/ vnd Seygblattern.

Zeitlosen gepulvert vnd gemischt mit Venedischer Seyffen/ vnd gemacht ein wiechen mit Baumöl/ vnd diß in die Fistel gelassen/ also/ das daß puluer mit dem Seyffen vmb den wiechē hang/ es heilet die ohn zweifel bald.

Wegdritt safft heilet die Fistel/ darein offft gesprizet ohn vnderlaß.

Breiten Wegerich safft in die Fistel gelassen/ heilet die.

Der safft oder die milch von Springwurtz in die Fistel gelassen/ heilet sie von grund auß.

Erdsyffel gepulvert/ vñ in die Wunden der Fisteln mit wiechen gelegt/ reiniget das faul fleisch auß.

Für ein Blattern/ Carbunculus

genandt.

Coriander ist gut den heissen Geschwären/ vnd sonderlich einer Blattern/ geheissen Carbunculus/ das ist/ ein Blatter/ die ist schwarz vnd fast giftig/ vnd gleichet der pestilenz/ vnd gluzet gleich einem Carfunkelstein/ den eingenommen mit Eßig vnd Rosenöl/ oder mit Honig.

Springwurtz safft oder milch/ nimpt die schwarze bösen Blattern.

Für das Rohrlauffen/ oder Gesegnet.

Binsaugen kraut gestossen/ vñ gelegt auff dz Rohrlauffen/ vnd auff das Gesegnet an einem Glyd/ wo dz were an einem Menschen/ es zeucht die hitz darauß/ vnd heilet von stundan.

Ein pflaster gemacht von Wänscherling safft/ vnd gelegt auff das Gesegnet/ kület das/ vnd setzet den schmerzen.

Krebs